



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Černija br. 8, tel: 033 237-655, 033 447-741; fax: 033 440-658, www.viksa.ba
Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Sarajevo, 28. mart 2025. Godine
Broj: 2343/25

U skladu sa Zakonom o radu („Službene novine Federacije BiH, br. 26/16, 89/18, 44/22 i 39/24) , Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ , br. 19/21 i 10/22), na osnovu člana 47. Statuta KJKP „Vodovod i kanalizacija“ d.o.o. Sarajevo od 18.04.2022. godine, Saglasnosti Vlade Kantona Sarajevo, broj: 05-09-30-3500/25 od 17.03.2025. godine, KJKP „Vodovod i kanalizacija“ d.o.o. Sarajevo raspisuje:

JAVNI OGLAS
za prijem radnika u radni odnos na određeno vrijeme do 12 (dvanaest) mjeseci,
uz probni rad (za sva radna mjesta) u trajanju od 3 (tri) mjeseca

Raspisuje se javni oglas za prijem radnika u radni odnos na određeno vrijeme, do 12 (dvanaest) mjeseci, uz probni rad u trajanju od 3 (tri) mjeseca (za sva radna mjesta) u KJKP „Vodovod i kanalizacija“ d.o.o. Sarajevo na sljedeće radno mjesto:

- 1. Mjenjač vodomjera II** - 4 (četiri) izvršioca
- 2. Mehaničar** - 3 (tri) izvršioca
- 3. Očitač vodomjera** - 10 (deset) izvršioca
- 4. Radnik (OJ 213)** - 2 (dva) izvršioca
- 5. Čistačica** - 2 (dva) izvršioca

I - Kandidati koji se prijavljuju na navedenu poziciju trebaju ispunjavati sljedeće uslove:

Opći uslovi:

- da su državljanin Bosne i Hercegovine
- da su stariji od 18 godina
- da imaju opću zdravstvenu sposobnost za obavljanje poslova

Posebni uslovi za poziciju pod rednim brojem 1. Mjenjač vodomjera II:

- NK/PKV/KV - I/II/III,

Opis poslova:

Obavlja jednostavnije poslove izmjene, montaže i demontaže vodomjera u cjelokupnom sistemu registrovanja i očitavanja potrošnje vode, uključujući i vodomjere iz sistema daljinskog očitavanja vodomjera kao i opravke kvarova u vodomjernim mjestima. Za svoj rad odgovoran je inženjeru za vodomjere i poslovođi odjeljenja. Obavlja i druge poslove po nalogu inženjera za vodomjere i poslovođe, a u skladu sa stručnom kvalifikacijom i domenom rada službe. Odgovoran za provođenje mjera zaštite na radu. Odgovoran je za implementaciju sistema kvaliteta.

Mjesto rada: Sarajevo

Radno vrijeme 7:30-16:00

Osnovna plaća: 1.160,00 KM

Posebni uslovi za poziciju pod rednim brojem 2. Mehaničar:

- KV/SSS - III/IV

Opis poslova:

Obavlja poslove rekonstrukcije vodomjernih mjesta, izmjene, montaže i demontaže vodomjera svih složenosti u cjelokupnom sistemu registrovanja i očitavanja potrošnje vode. Radi i druge poslove po nalogu inženjera za vodomjere i poslovođe. Za svoj rad odgovoran je inženjeru za vodomjere i poslovođi odjeljenja. Odgovoran je za implementaciju sistema kvaliteta.

Banke: UniCredit Bank dd: 3389002208274753, Raiffeisen Bank dd: 1610000063850067,
ASA banka dd: 1344701006766091, Intesa Sanpaolo Banka dd: 1549212006139057,
Sparkasse Bank dd BiH: 199 499 00001979 93, Bosna Bank International dd: 1413065320199704,
Ziraat Bank: 1861010310521757, Addiko bank: 3060003194696425



Područje certifikacije:
Proizvodnja i distribucija vode i
odvođenje i prečišćavanje otpadnih
voda u Gradu Sarajevu i u općinama
Vogošća i Ilidža

Mjesto rada: Sarajevo

Radno vrijeme 7:30-16:00

Osnovna plaća: 1.160,00 KM

Posebni uslovi za poziciju pod rednim brojem 3. Očitač vodomjera:

- KV/SSS – III/IV
- 6 (šest) mjeseci radnog iskustva

Opis poslova:

Vrši svakodnevno očitavanje vodomjera u jednom očitavkom hodu. Vrši naknadna očitavanja vodomjera po zahtjevu koordinatora očitavanja i obračuna utroška vode ili šefa odjeljenja. Dostavlja informacije o razlozima neočitavanja vodomjera. Dostavlja informacije sa terena o potrošačima u očitavkom hodu, a koje se odnose na uočene nepravilnosti koje imaju uticaj na očitavanje utroška vode. Dostavlja informacije o neregistrovanim objektima u očitavkom hodu. Odgovoran je za tačnost očitavanja na vodomjeru i za tačnost informacija o razlozima neočitavanja vodomjera. Odgovoran je za tačnost i blagovremenost informacija o uočenim nepravilnostima i neregistrovanim objektima u očitavkom hodu. Obavlja druge poslove iz domena službe po nalogu Koordinatora očitavanja i obračuna utroška vode i Šefa odjeljenja. Odgovoran je za implementaciju sistema kvaliteta. Za rezultate svog rada, kvalitet i blagovremenost odgovara Šefu odjeljenja.

Mjesto rada: Sarajevo

Radno vrijeme 7:30-16:00

Osnovna plaća: 1.267,00 KM

Posebni uslovi za poziciju pod rednim brojem 4. Radnik

- NK/PKV - I/II

Opis poslova:

Obavlja poslove na iskopu i sanaciji istog. Rukuje sa mašinama i uređajima (rezačice za asfalt, pumpe za crpanje vode, vibronabijači i dr.) i vodi računa o pravilnoj upotrebi istih. Vodi računa o sigurnosti i bezbjednosti u saobraćaju prilikom iskopa, vodi računa o podzemnim instalacijama drugih firmi i brine o primjeni tehničko-zaštitnih mjera na gradilištu. Poštuje mjere vezane za ispravnost u sanitarno-tehničkom smislu. Obavlja i druge poslove po nalogu glavnog koordinatora i Poslovođe, a u skladu sa stručnom kvalifikacijom i domenom rada službe. Odgovoran za implementaciju sistema kvaliteta.

Mjesto rada: Sarajevo

Radno vrijeme 7:30-16:00

Osnovna plaća: 1.092,00 KM

Posebni uslovi za poziciju pod rednim brojem 5. Čistačica

- NK/PKV - I/II

Opis poslova:

Obavlja poslove čišćenja i održavanja poslovnih prostorija i održava higijenu objekata. Održava čistoću usisavanjem, brisanjem površina i prašine, prozračivanjem, pražnjenjem korpi, pranjem prozora te svakodnevno održava čistoću i higijenu sanitarnog čvora. Vrši dezinfekciju radnih površina. Po potrebi vrši uređenje vanjskog dijela objekta. Ispunjava evidenciju čišćenja, pranja i dezinfekcije. Obavlja i druge poslove iz domena rada Odjeljenja, po nalogu Šefa. Odgovoran je za implementaciju sistema kvaliteta.

Mjesto rada: Sarajevo

Radno vrijeme 7:30-16:00

Osnovna plaća: 1.023,00 KM

Potrebni dokumenti:

Kandidati su dužni uz potpisanu prijavu, sa kratkom biografijom i kontakt podacima (adresa prebivališta, telefon i e-mail), dostaviti u zatvorenoj koverti sljedeće dokumente u originalu ili ovjerenoj fotokopiji:

- Diploma o stečenom stručnom obrazovanju (za radna mjesta pod rednim broj 2 i 3, a za radna mjesta pod rednim brojem 1, 4 i 5 ukoliko istu posjeduje)
- Potvrda/Uvjerenje poslodavca o radnom iskustvu (za radno mjesto pod rednim brojem 3)
- Izvod iz matične knjige rođenih;
- Uvjerenje o državljanstvu BiH (ne starije od 6 mjeseci);
- Potvrda o mjestu prebivališta – CIPS (ne starija od 6 mjeseci).

II - Prednost pri zapošljavanju pod posebnim uslovima

Prednost pri zapošljavanju po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo ostvaruju kandidati koji su na evidenciji Javne ustanove „Službe za zapošljavanje Kantona Sarajevo“ ili su zaposleni na određeno vrijeme ili su zaposleni sa nižom stručnom spremom od one koje posjeduju.

Da bi ostvarili prioritet pri zapošljavanju, kandidati trebaju da dostave:

- Dokaz da su u evidencijama Javne ustanove „Službe za zapošljavanje Kantona Sarajevo“ evidentirani kao nezaposlene osobe ili dokaz da su zaposleni na određeno vrijeme ili da su zaposleni sa nižom stručnom spremom od one koju posjeduju (Uvjerenje/potvrda JU „Službe za zapošljavanje Kantona Sarajevo“, odnosno uvjerenje/potvrda poslodavca ne starije od datuma objavljivanja oglasa sa tačno naznačenim radnim mjestom i stepenom stručne spreme);
- Dokumentacija kojom se dokazuje status korisnika po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21) je prikazana u tabeli:

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca - Uvjerenje o učešću u Oružanim snagama šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilisani borci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobilisanog borca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje o statusu supruge ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Na sva pitanja i okolnosti koji se tiču prednosti pri zapošljavanju, a koji nisu prethodno navedene, primjenjuju se direktno odredbe Uredbe o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21).

III - Napomena

- Kandidati su dužni uz prijavu na Javni oglas priložiti originale ili ovjerene fotokopije naprijed navedenih dokumenata iz tabelarnog pregleda;

- Potvrda/Uvjerenje o radnom iskustvu mora da sadrži naziv radnog mjesta, stepen stručne potrebe za navedeno radno mjesto i vremenski period obavljanja istog;
- Izabrani kandidat je dužan, prije potpisivanja Ugovora o radu, dostaviti ljekarsko uvjerenje o zdravstvenoj sposobnosti za obavljanje poslova radnog mjesta.

IV - Kandidati čija je dokumentacija uredna, potpuna i blagovremena i koji ispunjavaju uslove iz Javnog oglasa bit će obavješteni putem e-maila ili usmenim putem (telefonski - uz sačinjavanje zabilješke) o datumu i vremenu održavanja pismenog (za radna mjesta pod rednim brojem 1, 2 i 3), usmenog dijela ispita (za sva radna mjesta) i praktičnog dijela ispita (za radno mjesto pod rednim brojem 1 i 2).

Rezultati pismenog ispita bit će objavljeni na dan održavanja (isti dan) na oglasnoj tabli u sali preduzeća u kojoj je održano testiranje, tako da Komisija nema obavezu da upućuje pojedinačne pismene obavijesti o ostvarenim rezultatima pismenog ispita na adrese kandidata.

Kandidatima će isti dan, također, biti omogućen uvid u njihov pismeni rad.

Ako uredno obaviješten kandidat ne pristupi polaganju pismenog, usmenog ili praktičnog dijela ispita, smatrat će se da je odustao od učešća u oglasnoj proceduri i neće biti pismeno obaviješten o ishodu Javnog oglasa, a o čemu će se sačiniti službena zabilješka.

V – Rok za podnošenje prijava

Rok za podnošenje prijava je 10 (deset) dana od dana objavljivanja obavijesti o objavi javnog oglasa u dnevnom listu „Oslobođenje“.

Obavještenje za kandidate

Pitanja, listu propisa i spisak literatura iz oblasti iz koje će se polagati pismeni i usmeni ispit utvrdio je poslodavac i objavio ih na svojoj web stranici prije raspisivanja javnog oglasa.

Kandidat može kod poslodavca preuzeti pitanja, listu propisa i spisak literature iz oblasti iz koje će se polagati pismeni i usmeni ispit, a koji su prilagođeni radnom mjestu koje se oglašava.

Prijave sa potrebnom dokumentacijom u zatvorenoj kovrti dostaviti lično na protokol preduzeća ili preporučenom poštom na adresu:

**KJKP „Vodovod i kanalizacija“ d.o.o. Sarajevo
Ul. Jaroslava Černija broj 8.
71 000 Sarajevo**

sa naznakom

„Prijava na Javni oglas – Ne otvarati“

Na poledini koverte obavezno upisati ime i prezime podnosioca prijave te broj pozicije i naziv radnog mjesta na koje se kandidat prijavljuje.

VI - Neblagovremene, neuredne ili nepotpune prijave, kao i prijave koje sadrže kopije dokumenata koje nisu ovjerene te prijave kandidata kojima su ranije izrečene disciplinske mjere otkaza ugovora o radu u Preduzeću (provjera će se vršiti kroz evidenciju izrečenih disciplinskih mjera kojom Preduzeće raspolaže) neće se uzeti u razmatranje.

Kandidati, čija dokumentacija je neuredna, nepotpuna i neblagovremena, bit će pisanim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od 3 (tri) dana od dana prijema obavijesti.

Poslovnik o radu komisije dostupan je na web stranici preduzeća www.viksa.ba.

Priložena dokumentacija neće se vraćati osim na pismeni zahtjev kandidata koji su istu dostavili u originalu.

VII – Kontakt telefon osobe zadužene za davanje dodatnih informacija je:

- 033/483-402 (tehnički sekretar Komisije za radno mjesto pod rednim brojem 3 i 5)
- 033/483-461 (tehnički sekretar Komisije za radno mjesto pod rednim brojem 1, 2 i 4)

KJKP „Vodovod i kanalizacija“ d.o.o. Sarajevo